




陳文濤編纂

(上卷)

福建近代民主地理志



福建近代民生地理志

中華民國十八年十月出版



編纂者	閩侯陳文潯
校訂者	閩侯陳澤起
印行者	福州遠東印書局 住城內雙門前大龍湫巷
分售處	福州市各書局
實價	大洋一元六角

福建近代民生地理志

第一編本省地理概述

第一章 本省之位置人口地勢及人種總說

福建位於北緯二十三度至二十八度。東經一百一十六度至一百二十度之間。東北接浙江。西北及西鄰江西。西南界廣東。東及東南濱東海。東西九百五十里。南北九百八十里。全省面積三十六萬三千餘方里。在中國行省中僅較浙江江西兩省稍大。其人口之數。據民國十年海關調查。爲二〇〇〇〇〇〇人。據民國十一年郵務局調查則爲一三、一五七、七九〇人。聞其稠密度僅亞於山東江蘇湖北三省。

各都會人口約估如下

福州500,000 泉州130,000 廈門114,000 建甯70,000
漳州65,000 涵江60,000 甯德59,000

全省地勢爲階級狀。西北部高而東南部低。南平縣居本省中部。已比東南

部之閩侯縣高至四百尺。乃至六百尺。他可知矣。全省之大山脉幾皆與海岸平行。近海岸之山、高度平均不過二千英尺。中部已達三千英尺。與浙江交界之處則達九千英尺。據地質家之研究。全省其初不過爲一半島。東西兩面均臨海。西面之海漸由介殼類之死骸堆積成陸。而逐漸與東部之半島合併。經多年風雨之漂蝕。使西部露出石灰岩帶。東部露出沙岩、花崗岩帶。因東部之半島本爲火山深成岩也。西部石灰岩、由地殼變動摺疊而漸高。若東部海岸線之曲折。及地勢之日趨窪下。則皆受地殼變動之影響也。全省民族皮膚多帶青黃色。手足亦孱弱不類中國本部之蒙古族。據人種學所研究。則馬來普利尼西民族。Malay,-polynesian 其傳播之廣。西至馬達加斯加。Madagascar 北至福建。遂蕃衍而爲福建原始民族。說頗近理。至與中原民族之接觸。雖始於漢。而盛於晉。唐林謂閩中記曰。『永嘉之亂。中

原仕族。林黃陳鄭四姓先入閩。『福州曰晉安。泉州曰晉江。皆以晉時民族遷徙得名。及宋南渡文化日見發展。丁文江君歷史人物統計。江西福建二省北宋時各佔全國百分之五有奇。南宋時昇至百分之十三或十四。盛衰之變可以概見。至畚民蠻民兩族。其所由來則莫衷一是。畚民亦稱客家。以舊建甯汀州二府屬爲最多。本有雷盤藍鐘四姓。但閩實無盤姓。此族或謂本來自暹羅。或謂乃七閩本來之種族。或有謂王守仁平獠之後。獠族散處閩浙而改其號者。生活簡陋。布衣短褐。色尙藍。以番薯玉蜀黍爲糧。旁山結茅。自成村落。男女甚平等。女子絕無纏足。且有承受遺產權。隨山遷徙。種穀三年。土瘠輒棄去。或有爲漢人佃戶者。若讀書者則不過千百之一。自傳爲犬戎之後。繪祖先於手卷。乃一狗頭人。其所種之稻卽福州所稱晏稜。因其晏收于霜降後。且不耘不糞。自稜稜然而可種於邱陵也。其顆最長。揭裱者蠶爲糊漿。黏而不膩。蠻族常在水上操舟爲業。相傳乃陳友諒敗兵。爲明所驅迫者。但其毛髮帶鳶色。似與漢族有異。福州所謂『曲蹄婆』卽爲蠻族。以其生長船中兩足俱曲故名。前此沒爲賤種。子孫不得應試。例不許登岸居住。梳半髻。以別田。

婆。有梳髻帶中簪者。田婆輒毆之。近數十年來無別矣。至外省人所呼爲福老。則完全爲漢族。蓋爲唐陳光遠及王潮先後帶來河南兵士所傳衍。福老乃河老之轉音也。全省海岸線曲折。港灣甚多。其居民長於航海。精於製船。漁業發達。僑商衆多。職是故也。因山嶺之重疊。方言之龐雜。宿有老中國之號。（土話大別爲七種。一福州話。二興化話。三廈門話。四汀州話。五建陽話。六建甯話。七邵武話。）自福州廈門三都澳開港以後。與外界接觸日繁。而朴塞之風爲之一變矣。若福建之名義。蓋取諸福州建甯二府之首字。以福州括沿海。以建甯括沿江云。

第二章 本省地理分合之沿革

世俗相傳。福建在周爲七閩地。然本省實與閩有別。山海經云。閩居海中。晉郭璞註經。猶仍其說。本省據地質家之研究。當初雖爲一半島。不當於晉南渡以後。猶居海中。環省雖有一二島嶼。豈能用概全省乎。知必不然矣。明宋

濂作播州楊氏家傳數稱播爲閩。則福建之非閩又從可知也。（何氏治運辯之甚詳見何氏學）史記尙稱本省爲東越。然以越爲閩實始於秦而仍於漢。踵謬沿訛。又何怪人之笑爲蛇種乎。漢高五年仍秦閩中郡建閩越國。元封元年國除設冶縣。隸會稽郡。後漢置會稽南部都尉。三國吳永安三年改置建安郡。晉太康三年析增晉安郡均屬揚州。元康元年改屬江州。南朝宋泰始四年改晉安爲晉平。齊復舊名。梁亦如之。天監間增置南安郡。普通六年以建安晉安南安三郡屬東揚州。陳永定初於晉安郡置閩州領之。天嘉六年州罷并罷南安郡仍屬東揚州。光大元年又置豐州及南安郡。隋開皇元年郡廢改豐州爲泉州。大業初改爲閩州。豐州泉州閩州皆今福州也。三年州廢改爲建安郡。唐武德元年改建安郡爲建州。卽今福州。四年移建州於建安。卽建甯府也。五年以南安爲豐州。六年析置泉州。貞觀初并豐州。

入泉州。隸嶺南道。垂拱二年析泉州置漳州。聖歷二年又析泉州置武榮州。尋廢。久視元年又置。景雲二年改爲今泉州。改舊泉州爲閩州。割嶺南道潮州來屬。開元十三年更閩州爲福州。二十一年更福州爲福建。二十二年開山峒置汀州。而以漳潮歸嶺南。天寶元年復領漳潮。改爲長樂建安清源臨汀漳浦潮陽六郡。並隸江南東道。十年復以漳潮二州歸嶺南。乾元元年復改長樂郡爲福州。並復建泉汀爲州。嗣又以漳浦潮陽二郡來屬。復爲州。大歷六年又以潮州歸嶺南。乾甯三年升福州爲威武軍。凡領六州。五代梁爲閩王氏地。後唐長興四年閩王延鈞升福州爲長樂府。晉天福八年閩王延政分置鏞鐔二州。開運二年改長樂府爲東都。領福泉建汀漳鏞鐔七州。嗣入南唐。廢鏞州改鐔州爲劍州。漳州爲南州。惟東都爲李仁達所據。仍稱福州。至漢乾祐元年歸入吳越。宋太平興國間改劍州爲南劍州。南州爲漳州。

增置邵武興化二軍。隸兩浙西南路。雍熙二年始分爲福建路。凡領六州二軍。紹興三十二年升建州爲建甯府。景炎元年升福州爲福安府。元升六州二軍並爲路。惟福州路置有福清福甯二州。置行省於泉州路領之。續遷福州路。明洪武初置行省於福州。改各路爲府。降福清福甯爲縣。成化九年福甯仍爲州。清朝因之。置省會於福州。康熙二十三年增置臺灣府。雍正十二年升福甯州爲府。永春龍巖二縣爲直隸州。光緒十三年升臺灣府爲省。與福建分治。領府九州二。福州府之南興化府。其西南泉州府、漳州府、永春州、龍巖州、汀州府。其西延平府。其西北建甯府。邵武府。其東北福甯府。民國廢府。改前清之四路觀察使爲四道。曰閩海道、曰廈門道、曰汀漳龍道、曰建安道。國民政府成立。廢道設縣政府。全省本六十三縣。近改華封縣佐爲華安縣。遂多一縣。共六十有四縣。如下列。

建寧	甯洋	雲霄	龍巖	金門	平潭	閩侯
建甌	東山	龍溪	長汀	晉江	霞浦	古田
建陽	華安	漳浦	寧化	南安	福鼎	屏南
崇安	南平	南靖	上杭	惠安	寧德	閩清
浦城	將樂	長泰	武平	安溪	壽寧	長樂
政和	沙縣	平和	清流	同安	福安	連江
松溪	尤溪	詔安	連城	永春	思明	羅源
邵武	順昌	海澄	歸化	德化	莆田	永泰
光澤	永安	漳平	永定	大田	仙遊	福清
泰甯						

第三章 本省之山脉

本省之山屬於南嶺山脉。自浙江江西兩省分途入境。崇安之武彞爲本省南嶺山脉之主峯。閩侯之旗鼓。爲本省南嶺山脉之終點。山之循江左來者

盡於鼓山。而蟠於連江古田遙接瑄頭至長門海濱而伏者。則其餘脉也。山之從江右來者。盡於旂山。而蟠於長樂福清以遙接於梅花所海濱而伏者。則其餘脉也。總本省山脉可分爲六大支。

一博平嶺脉。此脉爲九龍江與韓江之分水脊。閩省山脉此爲第一大支。其所蟠之縣爲連城 龍岩 永定 平和 雲霄 東山其支脉所經爲南靖 龍溪 漳浦 詔安

二戴雪山脉。一名佛嶺山脉閩省山脉此爲最高。其所蟠縣爲連城 寧洋 永安 德化 大田 永春 仙遊 莆田 福清 平潭 其支脉所經爲尤溪 閩清 長泰 同安 安溪 南安 晉江 惠安

三長嶺山脉。蟠迴於金溪沙溪之間。其所經縣爲武平 寧化 其支

脉所經爲 上杭 連城 清流 歸化 永安 將樂

四杉嶺山脉。多杉故名。其所蟠縣爲建寧 泰寧 光澤 邵武其

支脉所經爲建陽 順昌 建甌 南平 將樂

五仙霞嶺楓嶺脉。海道未通時閩人入京必經仙霞關南至浦城二百

餘里。其所蟠縣爲浦城 松溪 建甌 古田 政和 福安 屏南

連江 羅源 閩清 甯德

六霞浦山脉。其所蟠縣爲福鼎 霞浦 壽寧每歲颶風起於日本。北

包朝鮮南捲台澎。而三都澳安然不受震撼者恃有此山脉也。

(附)武夷之風景

本省山脉雖多而名山亦不過三數就中尤以天姥梁山及武夷三者爲巨擘天姥梁山詳下六十四縣之形勢章茲特附述武夷之風景

武夷在崇安縣南三十里、縣亘百二十里、有三十六峯、三十七巖、一溪繚繞其間、分爲九曲、其山東望如樓臺、南盼如城壁、西顧如庑廡、北眺如車蓋、峯巒巖岫、拔奇巧、高下相屬、吞吐雲霧、草木蒙茸、岸壁紅膩、稜疊可愛、石罅之間、往往有枯槎陶器之屬、頗疑爲太古時代蠻族所居、而漢郊祀志所載之武夷君、卽其君長歟、從建溪而入、第一曲爲大王峯、上哆下銳、形似紗帽、故亦稱紗帽巖、峯西有鉄板嶂、石色蒼黑、剗削如板、盤迴數百丈、峯頂有投龍洞、縋綆百二十丈、乃至水、峯東有昇真洞、峯北有幔亭峯、甚奇勝、第二曲爲玉女峯、在溪南、亭亭姝麗、立於水畔、第三曲爲小藏峯、第四曲爲大藏峯、高五十丈、下有臥龍潭、水色深碧、峯壁有二洞、內存破壞船板甚多、相傳爲仙人所藏、第五曲爲隱屏峯、夷上銳下、方正如屏、兩麓坡陀環抱、朱子築精舍於其處、第六曲爲天游峯、外高敞而內幽邃、峰頂有天遊道院、前爲一

覽台、折筍玉華兩峯障於前、大王大藏兩峰拱於左、三教天壺兩峰拱於右、諸峰圍繞、足底溪澗潏迴、氣象開闊、故有武夷的明堂之稱、第七曲爲三仰峰、三峯聳拔相連、形如馬鞍、最高爲大仰峯、次爲中仰峰、最低爲小仰峯、武夷山以此峰爲最高、若登大仰峰頂、遠眺武夷全山、則見諸峰如萬馬奔馳、歷歷可數、第八曲爲鼓子峯、有石如鼓、前爲鼓樓巖、第九曲盡處曰靈峰、一名白雲巖、壁立高峻、常有雲氣氤氲、其右爲毛竹洞、甚幽邃、九曲風景半日可以盡遊、不過武夷之勝並非九曲所能概據、若欲盡歷其勝、非徒步登山勢有不可、但山路崎嶇、嚮導難得、爲可慮耳、山背有丹霞嶂、石色丹赤、雄峙若城、綿亘層疊、長數萬丈、高稱之、其東曰水簾洞、在石壁瀉下、隨風飄灑、疏密不定、如垂簾然、聲若金玉、亦奇景也、所產之茶、名馳海外、有一種烏餘茶、因在最高山峯、人跡不至、鳥食餘葉、人拾而製之、因所產甚微、價極昂貴。

第四章 本省之河流

本省最大之江曰閩江。有三源北源曰建溪。出浦城縣北四十里漁梁山。南流一百八十里曰水吉鎮。爲建陽縣界。又五十三里曰雙溪口。而崇溪之水流入焉。崇溪源出崇安西北七十里。南流納武夷九曲之水。而舍於建溪。并流而南五十三里。至建甌。而松溪之水亦流入焉。松溪源出浙江慶元縣西南二十里。經松溪縣南政和之水。亦流入焉。謂之東溪。旣合建溪。南流一百三十里至南平。而西北源富屯溪。流入焉。富屯溪源出光澤縣西北九十里之杉關。南流至邵武。合樵溪紫雲溪諸水。流入順昌縣西。合將樂縣之將溪。東流合閩江西南源之沙溪。將溪沙溪皆發源於甯化山中。東流經清流縣。又東分爲二派。一自泰甯入將樂。謂之將溪。一自永安入沙縣。謂之沙溪。二派相合共引而東。謂之西溪。又東至南平。合于東溪。謂之劍江。東南流九十

里至尤溪縣口。有湖頭溪承大田梓溪自西南注之。又東南流納古田水。經九十七里至水口。自水口已上達於浦城。計程幾六百里。灘石嵯峨。有名者以三百計。舟行罅隙中。稍或不戒。則沉溺及之。然居民往往積石壅水。爲灌溉及水碓之利。旬日不雨。則溪中石塔磷磷。淺狹處可蹇裳而涉。水口以下灘險已盡。江流浩盪。以風阻爲虞矣。水口而東五十里曰小箬。又東十里曰閩清口。又四十里曰白沙。竹崎、柑蔗至侯官市而下。江流分爲兩支。自東南而南曰洪塘江。曰南台江。又東南流五十里爲馬尾。其自南而東六十里曰陽崎江。合永泰之大樟溪。又東四十里。合馬江以入海。故閩江在福州有南北港之分。北港水道較窄。且有金斗山位於南北港分流之處。上流之水受其阻礙。每反衝入北港。使省垣於春雨夏洪。輒生水患。淮安附近過山洲之插竹簍。卽用以防南港江水之衝入北港也。（閩江南支兩岸各鄉有三南之

稱。卽南鄉、南嶼、南港是也。南鄉在南台島東南部。自蒼前山以下各鄉以及螺洲、義序、乾元墩等一百餘鄉屬之。對岸卽爲南嶼。與南港兩地並列。中隔大樟溪。南嶼在西。南港在東。南港共九十三鄉。新岐、蘇坂、古靈、瓜山爲其最著。新岐之西南有港甚長。卽爲蘇坂港。水滿時可用小筏經蘇坂、潘祚邊、盛美諸鄉。以至獅子山。往年張毅逃軍卽駐于此。下瞰南港數十鄉。如在目前。新岐之東南有文山港。進港卽達文山鄉。磚瓦出產處也。南港各鄉前經逃軍蹂躪。殘破不堪。事平後薩上將鎮冰捐募經營。建築道路店舖。整整有條。不愧爲全省之模範村矣。

閩江南二百四十里爲興化之木蘭溪。源自永春石湖山水東流經仙遊縣南。又東經興化治南達三江口。會涵頭港迎仙港入海。

又南一百九十里爲泉州之晉江。其西源藍溪自漳平縣古格嶺東南流經